

JPS pantau paras air, hujan lebat

Kuala Lumpur: Jabatan Pengairan dan Saliran (JPS) akan terus memantau paras air dan hujan lebat di seluruh negara sebagai persediaan menghadapi monsun timur laut atau musim tengkujuh.

Pengarah Bahagian Pengurusan Sumber Air dan Hidrologi JPS Datuk Hanapi Mohamad Noor berkata, ketika ini, pihaknya mengemas kini amaran hujan lebat dan status sungai berisiko di seluruh negara dari semasa ke semasa.

“Bagi kawasan berdepan hujan lebat dan air sungai melebihi paras amaran, kami dikeluarkan peringatan berjaga-jaga menerusi portal Public InfoBanjir, Facebook, Twitter serta pautan berkaitan.

“Amaran dikeluarkan ketika ini hanya untuk banjir kilat dan tidak berkait dengan monsun timur laut,” katanya.

Menurutnya, banjir musim tengkujuh sukar diramal berikutan tiada tanda hujan lebat berterusan dalam tempoh terdekat.